



Shaputue tshetshi pimipanitanit
CNW, etashtet 43
Eshakum minashtakana Tshiuetinit

Atusseun ua tshitshipannanut mak ua utinakanit ashini apatite anite Uashat

**TSHE TSHITSHIPANNANUT E NATUTUAKANIHT
AUENITSHENAT 27 UPAU-PISHIM^U**

Uepishtikueiat, 12 upau-pishim^U 2013 - Mamuitun kanatu-tshissenitakanit mak ka natutuakanit auen ne Uashka assi e tshitapatakanit (BAPE), ue pemipanitat Joseph Zayed, uenua uatshikut anite mamuitunit ka taniti Nathalie Drapeau mak Michèle Goyer, ushkat Uashat tshe tshitshipannanut ume ka natutuakanit auen ne e uitakanit *Atusseun ua tshitshipannanut mak ua utinakanit ashini apatite anite Uashat* anite ut Mine Arnaud inc. Tshe natutuakaniht auenitshenat anite ut e **nishutshishikat 27 upau-pishim^U 2013, 19:00 tatutipaikana, anite Centre des Congrès de Sept-Iles, 513, Brochu meshkanau, Uashat**. Nanitam tshe at shaputuepannanut nuash tshe ishpish taht auenitshenat tshetshi natshi-patshinahk utaimunnau kie ma ui natu-tshissenitakau tshekuannu. Iapit anite **Shaputuanit tshika tauat, 290 des Montagnais meshkanau, Uashat. namesh-e-muakannit 30 uapau-pishimua, 9:30 tatutipaikana** tshe tshitshipannanut.

Ne ushkat tshe tshitshipannanut anite ka nanatuakaniht auenitshenat, kauapashiht mak innuat, tshipa itishaimuat kukuetshtishemuna ute etashtenit : mine-apatite-sept-iles@bape.gouv.qc.ca. Ne mekuat tshe ishpish aitananut tshika petakutakanu kie tshika akunakanu, ui tshitapatamekui ume etashtet www.bape.gouv.qc.ca.

NATSHISHKATUNANUTI NISHUAIT TSHIKA ISHINAKUAN

1. Tshe natu-tshissenitakanit

Nishuait tshika ishi-pimutenanu ne kanatshishkatunanut. Utshenat e taht ue tshe tshitshipanitat atusseunnu mak utshenat ka uishamakaniht ka nishtuapatahk nenu atusseunnu eshinakuannit tshetshi ut patshitinahk kueshte aimunnu tshe ishi-kukuetshikuht nenua anite tshe taniti tshetshi natu-tshissenitaminiti tshekuannu. Ushkat tshe ishinakuak, anitshenat kauapashiht mak innuat anite tshe taht mak ue mamuitun tshika natu-tshissenitamuut tan eshinakuannit nenu atusseunnu tshetshi tshissenitahk mak etatu nishtutatishuat kassinu nenu aishinakuannit.

2. Tshetshi uitak auen etenitak

Nishuait uet tekuak tshe ishi-pimutenanut ume natshishkatunanut, tshe tshitshipannanut 24 ushkau-pishim^U, ue mamuitun tshika mamushatshinam^U kassinu auennua eshi-patshitinaminiti utaimunnu etenitaminiti kie ma eshi-pakushenitaminiti. Kassinu auennua tshika natutueu, atusseutshuapa ka taniti, tatipan ka mamuituniti kie ma utenanu ka tshitapataminiti, kassinu

auennua tshika natutueu ka ui patshitinaminiti utaimunnu ne e tshitapakanit ne atusseun ua tutakanit, e mashinataikannit utaimun kie ma muk^u anite e natutuakanit.

Ne mamuitun muk^u neupishimua minakanu tshetshi tutak nenu atusseunnu. Ne BAPE umashinaikan tshe patshitinakanit ute nikan 27 pishimuss, ue tshe minakanit tshishe-utshimau Développement durable, de l'Environnement, de la Faune et des Parcs, utshimau Yves-François Blanchet. Natshe ma anite, ne tshishe-utshimau kutuasht tatunnuetshishikua (60) minakanu tshetshi mishue unuipanitat nenu mashinaikannu.

TANITE TSHIPPA NATU-TSHISSENITAKANU ESHI-TAKUAKI MASHINAİKANA NE E TSHITAPATAKANIT ATUSSEUN UA TUTAKANIT ?

Nenua mashinaikana ne e uitakanit ne atusseun ua tutakanit, kassinu auen tshika tshi natshishatshuapatam^u anite atusseutshuapa tatipan assi aishinakuaki :

- Bibliothèque Louis-Ange Santerre, 500 Jolliet meshkanau, Uashat;
- Shaputuanit, 290, des Montagnais meshkanau, Uashat.

Kassinu ne mamu e uitakaniti mashinaikana anite takuana BAPE umashinaikanitshuapit Uepishtikueuiat, etashtet 575, St-Amable meshkanau, 2.10 katshipaikanisht mak anite Munianit, anite Bibliothèque des sciences juridiques anite Université du Québec Munianit, Pavillon Hubert-Aquin, 400 Sainte-Catherine est meshkanau, mak anite atusseu-katshitapakanit (WEB) BAPE umenu etashtenit www.bape.gouv.qc.ca, mak anite tshe tshissipitamek^u «Mandats en cours».

NE ATUSSEUN UA TUTAKANIT

Atusseutshuap Mine Arnaud inc., mamu ka tshitshipanitaht ashit uenua ka tshimanikut Investissement Québec mak Yara International ASA, ui tutam^u tshetshi ueuetinak mak tshetshi natu-tshissenitak nenu ashininu *apatite* anite tepenitak anite Uashat tekuanit, anite nenu assinu eka ka ueuetashtakannit (TNO) Muteshekau shakaikanit mak anite zec Matimek. Tshipa ishpish pakunaikanu ne assi e musheiat e nakashkat 800m, eshpish tshinuat 3,5km mak 240m ishpish akuanat. Mitshetuait aishinakuaki atusseuakana tshipa ui ashushtakanua tshetshi ut utinakanit ne ashini, miam kapitshissipitak, anite tshe atushkatet ne ashini, ka mamushtakanit eka ka apatak, anite uenapissish tshe kanuenitakanit ne ashini ka pitshissipitakanit, anite tshe mautakanit ne ashini eka ka ishpitenitakuak mak ne assi eka ka apatak mak anite nenua ashinissa eka ka apataki 7 tatuau anite tshe mamushtakaniti. Meshkanau iapit tshipa ui tutakanu, nipi tshe atushkatet, mitshuapa, mitshuapish anite nanimissiu-ishkuteu tshe ut pimipanitakanit mak anite tshe pushtashunanut mak tshe akuanashunanut ishuteu-utapan-meshkanat. Mashten, ue tshe pimipanitat umenu atusseunnu 8km tshipa ui atutau ishuteu-utapan-meshkananu ue utshimau ishuteu-utapan Arnaud shash ka pimipanitat mak tshe tshitapatak tanite tshe itapekamutat nanimissiu-ishkuteuiapinu 161 kV ka ishpishimakannit ue Hydro-Québec nenu tepenitak.

Ue tshe pimipanitat nenu atusseunnu itenitam^u tshetshi ishpish unuitishinak ashininu *apatite* ka ishnikatenit 556 peik^u kauenutishit eshpitinakuannit mak eka ka apataki ashinia. Eshakumipipuna, 11,25 Mt ashini *apatite* tshika atushkateu tshetshi tutak 1,4Mt ne ka pitshissipitakanit e minuat ashini mak tshe autshitapenanut anite ut ne ka atushkatet ashini nuash anite Port de Sept-Îles, peikuau peikutshishik^u neunnu utapana e apashtakaniti ne ishuteu-utapan e uitakanit. Ne ashini *apatite* tshe ishpanitakanit, ashit ishuteu-ush e apashtakanit, nete atusseutshuapit Yara International ASA Norvège-assit, anite tshe tutakanit *le phosphate* tshetshi

tutakanit ne aitapashtaun e patshitinanut. *La magnétite titanifère* kutak ne ka pitshissipitakanit ashini. Ue tshe pimipanitat nenu atusseunnu shash uitamupan nianatuapatak anite tshipa mishta-pimipannu nenu anutshish ka uitak ashininu mak tshe ishpish mishkak tshetshi pimipannit, tshika mautau nenua tatipan eshinakuanniti uanasse tshetshi mishkak miam ishinakuanniti tshetshi pimipannit.

Tshipa ishpitenitakuan ne atusseun 750M\$. Tshipa tshitshipannanu ne atusseun 2014 mak 2015, ek^u ne uin tshe utinakanit ashini, nishunnuepipuna ashu nisht^u tshipa ishpishau ne atusseun mak anite ne pipun 2016 tshipa tshitshipannanu. Tshe tshipaikanit ne atusseun mak anite tshe naikakanit nishupipuna tshipa tashikakanu.

Anu ui minu-natu-tshissenitamekui, ue tshipa aimiauau Renée Poliquin, ka uauitshiaushit umenua ka mamuiniti, kie ue Luc Nolet, ka uauitamatshet anite kaimitunannut, umenu etashtenit anite etat 148-643-7447 kie ma, eka e tshishikashunanut 1-800-463-4732. Iapit tshipa tshi katshitinanut utshenat ka mamuiht ute etashtenit : mine-apatite-sept-iles@bape.gouv.qc.ca.

TSHEKUAN NE BAPE ?

Le Bureau d'audiences publiques sur l'environnement (Mashinaikanitshuap ka natutuakanit auen uashka assi e uitakanit) eukuan mamuitun ka nukuitishut mk eka uiesh ka makupishit anite ka utshipanit tshishe-utshimat Développement durable, de l'Environnement, de la Faune et des Parcs. Ishinakuannu utatusseun tshetshi tshikanakutauat tshishe-utshimaua eshikapauniti ne e tshitapatakanit nanitam tshetshi pitshitshipanit atusseun, kassinu umenua kiatshtaitshemakaki, anite eshi-nitautshit kassinu assi, nipit kie tshishikut, mamu ka tananut mak pakassiun.

Tshetshi ne tutakanit atusseun, BAPE patshitinam^u aimunnu, natu-tshissenitam^u mak natuapameu auennua nenua atusseuna e uitakaniti kie ma e kukuetshimitishunanut ne e tshitapatakanit assi miam eshi-minikut nenua tshishe-utshimaua. Tshe at tutak mashinaikannu nenu ka ishi-natu-tshissenitak, tshe mishituepanitakanit. Ne BAPE eukuan tshishe-utshimaua ka itishaukut mauat uin tshetshi mashten utinak aimunnu, muk^u tshetshi natshi-natu-tshissenitak anite mamu ka tananannut.

Tshetshi shaputuepanit ne ka natuenitakanit tshetshi natu-tshissenitakanit ka itishaihk anite tshishe-utshimat Développement durable, de l'Environnement, de la Faune et des Parcs, anitshenat kauapashiht mak innuat, anitshenat tipan ka mamuiht, atusseutshuapa kie ma anitshenat utenanu ka tshitapatahk, ne ushtikuanit ka tat anite BAPE, utshimau Pierre Baril, minakanipan atusseunnu tshetshi tshimanat nenua tshe mamuituniti mak tshetshi natutuaniti mishue auennua ne e uitakanit *Atusseun ua tutakanit mak ua utinakanit ashini apatite anite Uashat.*

Uetshipanit : Luc Nolet
Kauauitamatshet kaimitunannut
418-643-7447 kie ma 1-800-463-4732 etashtet 535
mine-apatite-sept-iles@bape.gouv.qc.ca